

vmb der vndanckbaren Welt willen /  
 immer hat schicken vnd leiden wollen.  
 Vnd bin nu in guter Hoffnung vnd ge-  
 wisser zuderficht / es werde mancher  
 dadurch betwogen werden / dieser hoch-  
 erleuchtē Männer *scripta*, so wol auch  
 andere / hinfür nicht allein fleissiger zu  
 lesen / sondern auch mit andern Augen  
 anzuschawen / wie bißhero geschehen /  
 oder je zum wenigsten seine spöttliche  
 Rede vñ verkehrtes vorthail einzustellē.

Vnd damit er hierzu noch desto  
 mehr möge verursachet werden / wil ich  
 ihm zu gute in dieser Vorrede von  
 dreyer leyē Puncten *testimonia Philoso-*  
*phorum* einführen :

1. Daß nicht new sey / sondern zu  
 jeder zeit bey den *Philosophis* gebreuch-  
 lich / daß sie mit wunderbarlichen / ver-  
 blünten vnd seltsamen Worten das  
 hohe *Secretum de lapide benedictō* ha-

A iiii

ben